

MANNAGGIA LU RIMU

Giovanni Guarino

Avi n'ora ca sta spiettu
pi cè cosa tu no vieni?
lu stà faci pì dispiettu
ma pirceni ma pirceni

Rrenta a rrenta alla
banchina
vau vuiandu chianu chianu
ma stà varca no camina
no mi porta chiù luntanu

Mannaggia lu rimu
no voli a nci voia
stasera ti noia
mi faci murì
ci s'aza lu vientu
mi tiru la vela
mi ssettu e cuntentu
v`a cantu p`i te

Pì stù mari tuttu argientu
vannu e vennu vappurini
e li varchi a cientu a cientu
cu lampiunu e cuncirtini

Vieni vieni bedda mia
sciamu a Sant'Apullinari
ca nc'è festa, nc'è allicria
vieni anziemi a me a cantari

Mannaggia lu rimu....

Lu strumentu mia è stù cori
ca nisciunu lu ccumpagna
a gnè festa a gnè dulari
sempri canta e mai si lagna

Sulu sulu mi cunzumu
ardo comu a nu cipponi
tuttu fiamma e tuttu fumu
sontu puru stà canzoni

Mannaggia lu rimu....